

lis Gnovis

■ UDIN. Messe par furlan

La Messe par furlan e ven cjantade ogni sabide a 5 e mieze sore sere (17.30), li de capele de «Puritât», daprûf dal domo. Sabide ai 15 di Mai al cjantarà messe pre' C. Bevilacqua. Radio Spazio e trasmet sul moment la liturgjie.

■ TUMIEÇ. «Fradis For Future»



Mediant dai «social» (sui «tag» di «Instagram» @carniasays e @fridaysforfuture_carnia e cul «hashtag» #FradisForFuture), ducj a puedin tamesà l'esit de ultime iniziative de zoventût di «Fridays For Future Carnia». In convigne cun «CarniaSays», dai 7 ai 9 di Mai, a àn inmaneât une pulizie straordinarie dal teritori cjargnel, impetât par ogni cjanton di scovacis, par colpe de maleducazion grubiane di automobiliscj, di ciclistc, di motârs e, parfin, di escursioniscj. La preocupazion pe crisi climatiche – a motivin i promotôrs – e scuén incjarnâsi in azions positivis e intun mudament dai compartaments cotidians, parcè che «Ancje un'azion semplice, cuant che le fasin miârs di lôr, e po trasformâ il mont».

Miercus 12	Ss. Nereu e Achileu	Domenie 16	La Sense
Joibe 13	La Madone di Fatime	Lunis 17	B. Antonie Mesina di O.
Vinars 14	S. Matie apuestul	Martars 18	S. Zuan I pape
Sabide 15	S. Isidôr	Il timp	Umit e cualchi temporâi.



Il soreli
Ai 12 al iève aes 5.38
e al va a mont aes 20.29.



La lune
Ai 11 Lune gnove.

Il proverbi
L'ultime a pierdi e je la sperance.

Lis voris dal mès
Tal nestri ort o podin meti ancje plantis une vore utilis tant che savôrs, rosmarin, salvie, valeriane, melisse, mente, maiorane e tale.

Setemane Laudato si'

*Un timp speciâl
pe Conversion
ecologjiche*



O savin – al scrif il Pape (LS 13) – che si po cambiâ

Te gjonde di Pasche, lis Glesiis di dut il mont a tornin a celebrâ, dai 16 ai 24 di Mai, la «Setemane Laudato si'». Si trate dal apontament anuâl ch'al celebre i risultâts otignûts su «la strade de Conversion ecologjiche» e ch'al smire di stiçâ un'atenzion ative pal «berli dai puars» e de tiere.

Lis iniziativis di chest an a varan un savôr particolâr, pal fat ch'a colin tal «An speciâl Laudato si'», progetât dal Dicasteri vatican pal Svilup uman integrâl par memoreâ il cuint inovâl de Letare encicliche di Pape Francesc «Laudato si'» (www.humandevlopment.va/it/news/2020/laudato-si-anno-dell-anniversario-speciale-2020-2021.html). La Setemane – al marche il «Moviment catolic mondiâl pe clime» che, di un ôr a chel altri dal mont, al coordene Comunitâts e Circui impegnâts a daûr seont a lis esigjencis de «Conversion ecologjiche» (<https://catholicclimatemovement.glob>

Dai 16 ai 24 di Mai, al torne l'apontament ispirât de Encicliche di Pape Francesc

al/it/) – al sarà ancje «un moment par rifleti sun ce che la pandemie Covid-19 nus à insegnât e par preparâsi cun sperance pal avignî». In Italie, sui «social» dal Moviment, a saran programâts ogni dì riflessions, preieris e confronts par savorâ la sensibilitât dal mont catolic sun ché conversion che, ancjemò dal 2001, Sant Zuan Pauli II al predicjave, par che l'om si fermàs devant dal sfondaron, ch'al è rivât sul ôr, pal fat di vè cessât di jessi «ministri dal Creadôr» e par vè volût impen diventâ autocratic prepotent. «No je tirade in taule dome un'Ecologie fisiche, ch'e smire di protezi l'habitat dai vivents – al ribateve il Pape sant, intant

de udience dai 17 di Zenâr di 20 agns indaûr – ma ancje un'Ecologie umane, ch'e fâs diventâ plui dignitose la vite des creaturis, protezint il ben radical de vite in ogni manifestazion e parecjant pes etis avignî un ambient che si svicini simpri di plui al proget dal Creadôr». A 13 di ogni dì, al sarà trasmetût il «News Show», cu la condivizion di «Storiis Laudato si'». Ai 17, ai 18 e ai 19 di Mai, a 19, a saran proponûts trê «Dialics», «sui procès des Nazions Unidis e su lis COP», «su l'educuzion e la Conversion ecologjiche» e «su Economie, energie e combustibil fossil».

Joibe ai 20 di Mai, e sarà la zornade dedicate a la presentazion de «Rê di preiere pe curie dal Creât». Tal vinars, e sarà programade une «Zornade di Azion globâl pe nestre Cjase comugnâl». La di de «Zornade mondiâl de Biodiversitât», ai 22 di Mai a 19, al començarà il «Festival Laudato si' Cjantis pal Creât». La domenie des Pentecostis e sarà dedicate a la preiere, cuntune celebrazion comunitarie, a 19. Lunis ai 24 di Mai, la Setemane e sarà sierade cu la presentazion de «Plateforme d'intervents Laudato si' e dai obietifs Laudato si'».

Mario Zili

Quest'anno festeggiamo 90 anni.
Brindiamo il tempo di un battito d'ali,
poi torniamo a costruire il futuro.
La Delizia 1931-2021

ladelizia.com f @